



Вазирлигининг 2021 йил “3” май даги
208 -сон буйруғига 14-илова

**Таълим муассасалари талабалари ўртасида “Устоз ва мураббийлар куни”
мавзусида онлайн-аудио-видео ва шеърлар танловини ўтказиш
НИЗОМИ**

I. Умумий қондалар

1. Ўзбекистон Ёшлар ишлари агентлиги билан ҳамкорликда 2021 йил 29 январда тасдиқланган “2021 йил Ёшлар ўртасида маънавий-маърифий ва тарбиявий ишлар самарадорлигини ошириш бўйича Олий ва ўрта махсус таълим вазирлиги тизимида амалга ошириладиган ишлар юзасидан чора-тадбирлар Дастури”нинг 5-бандида белгиланган вазифалар ижросини таъминлаш мақсадида ташкил этилади.

2. “Устоз ва мураббийлар куни” мавзусида онлайн-аудио-видео ва шеърлар танловида таълим муассасаларида таҳсил олаётган талабалар ўзларининг ижодий ишлари билан иштирок этади.

3. Танловнинг таълим муассасаси босқичларини ташкил этиш ва ўтказиш жараёни олий таълим муассасалари Ёшлар масалалари ва маънавий-маърифий ишлар бўйича проректор томонидан амалга оширилади.

II. Танловнинг мақсад ва вазифалари

4. Танловнинг асосий мақсади ва вазифалари – устоз ва мураббийлар ҳаётда қандай муваффақият ва натижаларга эришганлиги, жамиятда бекиёс ҳиссаси борлигини тарғиб қилиш, уларнинг ибратли умр йўлларини тарғиб қилиб, иқтидорли талаба-ўқувчилар томонидан устозларнинг ижодий ишларини кенг жамоатчиликка етказиш.

Шунингдек, талаба-ўқувчиларни ватанпарварлик руҳида тарбиялашга қаратилган амалий чора-тадбирлар ва маънавий-маърифий ишларнинг таъсирчанлигини ошириш. Технология асрида талабаларнинг АКТга бўлган иқтидорларини намоёниш этиб, уларга шарт-шароитлар яратиш ҳамда мустақил ва эркин фикрга эга истеъдодли ёшларни ҳар томонлама рағбатлантиришдан иборат.

III. Кўрик-танловни ташкил этиш ва ўтказиш

5. “Устоз ва мураббийлар куни” кўрик-танловда олий таълим муассасасининг талабалари иштирок этиши мумкин.

6. Кўрик-танловда иштирок этишни хоҳловчилар олий таълим муассасаларининг Ёшлар билан ишлаш, маънавият ва маърифат бўлими (хорижий ОТМларда ёшлар билан ишлаш бўйича масъудлар)га аризалар билан мурожаат қилиб, ўзи ҳақидаги тегишли маълумотларни тақдим этади.

7. Кўрик-танлов икки босқичда ўтказилади ҳамда унинг адолатли ўтишини таъминлаш мақсадида Ҳакамлар ҳайъати ташкил этилади.

8. Олий таълим муассасаси босқичи учун – олий таълим муассасаси Республика босқичи учун – Ташкилий кўмита масъул ҳисобланади.

9. Ҳакамлар ҳайъати таркиби Олий ва ўрта махсус таълим вазирлиги, Республика Маънавият ва маърифат маркази ва унинг ҳудудий бўлимлари, олий таълим муассасасининг педагог ходимлари ҳамда бошқа тегишли мутахассислардан ташкил топиши мумкин.

Биринчи босқич – олий таълим муассасаси миқёсида факультетларaro 10 сентябрдан 18 сентябрь кунига қадар ўтказилади.

Иккинчи босқич (якуний) – республика олий таълим муассасалари ҳолиблари ўртасида жорий йил 20 сентябрдан 2 октябрь кунига қадар ўтказилади.

10. Белгиланган муддатдан кеч тақдим этиладиган ҳужжатлар қабул қилинмайди.

11. Ҳакамлар ҳайъати томонидан иштирокчиларга қўйилган баллар тенг бўлиб қолганда, Ҳакамлар ҳайъати раисининг овози ҳал қилувчи ҳисобланади.

12. Кўрик-танловнинг якуний натижалари Ҳакамлар ҳайъатининг қарори билан расмийлаштирилади.

IV. Танлов шартлари ва баҳолаш мезонлари

9. Онлайн танловга тақдим этиладиган аудио-видео ва шеърлар қўйидаги мезонларда баҳоланади:

- а) Танлов мавзусининг мазмун ва моҳиятини тарғиб қилиш;
- б) мазкур танлов мавзусига оид аудио-видео ва шеърларни тўлақонли очиб берилганлиги;
- в) ўзига хослик, образлилик, ҳиссийлик, ифодавийлик даражаси;
- г) янгича ёндашувлар, мустақил фикрлар ва ижодкорлик хусусиятлари ифода этилганлиги;
- д) танлов материаллари ўзи севган устозининг ҳаёт ва ижоди ҳамда унинг фаолиятига бағишланган қисқа метражли бадиий ёки ҳужжатли аудио-видеоролик ва шеърлар қўйилишида бўлиши лозим.

10. Юқоридаги талабларга жавоб бермайдиган ижодий ишлар қабул қилинмайди. Муаллифлик ҳуқуқи бузилишига йўл қўйилмайди. Плагиат ҳолати аниқланганда иш танловдан четлатилади.

11. Хар бир мезон 10 баллик тизим асосида баҳоланади.

V. Ҳужжатларни тақдим этиш тартиби

12. Тақдим этиладиган видеороликлар:
давомийлиги 2 дақиқадан 3 дақиқача;
формати MP4, AVI ва WMV;
формати 720p (1280x720) ёки 1080p (1920x1080);

Аудиолар:
давомийлиги 2 дақиқадан 3 дақиқача;
формати MP3;
ҳажми 5 мегабайтгача бўлиши керак.

Шеърлар:
ҳаётий мисоллардан кенг фойдаланиб, устоз ва мураббийларга хос ёзилади.
тақдим этиладиган шеърлар A4 форматда бўлиб, 1,5 интервалли қаторларда, Times New Roman шрифтида, 14 кегел катталигида бўлиши ва 2 бетдан ошмаслиги зарур.

13. Барча аудио-видео ва шеърлар хар бир олий таълим муассасасининг Ишчи гуруҳига тақдим этилади.

14. Ижодий ишлар иштирокчи талаба-ёшларнинг ўқиш жойи, факультети, курси ва таълим йўналиши тўлиқ кўрсатилган ҳолда тақдим этилади.

15. Олий таълим муассасаларида ҳолиб бўлган, 1-ўринни эгаллаган талабанинг ҳужжатлари (*ОТМ Ташкилий қўмитаси баённомаси ва қарори, ҳолиб бўлган талабанинг материаллари*)ни Республика Ташкилий қўмитасига электрон шаклда жорий йилнинг 22 сентябрь кунига қадар mediamaskan@edu.uz электрон почтасига ҳамда қўйидаги телеграм (90)-038-28-25 тақдим этилади.

VI. Танлов ҳолибларини тақдирлаш

16. Танловнинг якуний босқичида юқори 1, 2, 3-ўринни эгаллаган талабалар олий таълим муассасалари томонидан махсус диплом ва қимматбаҳо совғалар, шунингдек, танловда фаол

ишпирок этган талабалар олий таълим муассасасининг фахрий ёрликлари билан тақдирланади. Юқори 1, 2, 3-ўринни эгаллаган талабаларнинг ижодий ишлари олий таълим муассасасининг ижтимоий тармоқлардаги расмий саҳифаларида ёритилади.

17. Танловнинг Республика босқичида ғолиб бўлган талабалар Олий ва ўрта махсус таълим вазирлигининг дипломлари ҳамда қуйидаги тартибда пул маблағлари билан рағбатлантирилади:

т/р	Танлов номи	Эгаллаган ўрни	Диплом ва статуётка	Пул мукофотининг миқдори
1.	“Устоз ва мураббийлар куни”	1-ўрин	I даражали диплом	2 000 000 (икки миллион) сўм
		2-ўрин	II даражали диплом	1 500 000 (бир миллион беш юз минг)
		3-ўрин	III даражали диплом	1 000 000 (бир миллион) сўм.

VII. Яқуний қоидалар

18. Танловнинг ишчи тили: Давлат тили.

19. Танлов ташкилотчиларининг Республика босқичи харажатлари – 1 000 000 (бир миллион) сўм.

20. Танловларни ўтказиш жараёнлари бўйича келиб чиқадиган низолар қонун ҳужжатларида белгиланган тартибда ҳал этилади.

22. Танловнинг натижалари ОАВ томонидан ёритилади.